



**Ethica Amoris, Sive Theologia Sanctorum, Magni  
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones  
Strenuè propugnata, Et In Materiis Principaliter Hodie Controversis  
Fundamentaliter discussa

De Externis Regulis Amoris Et Morum, Legibus Utique, ac Praeceptis  
Virtutum Theologicarum, & Cardinalium, necnon Decalogi & Ecclesiae -  
Libros Vndecim Complectens

**Henricus, de Sancto Ignatio  
Leodii, 1709**

Caput III. Partes potentiales prudentiæ.

---

[urn:nbn:de:hbz:466:1-73203](#)

ciendum, à malo declinandum; deteriora melioribus postponenda; animus à transitorii ad eterna convertendas, &c. quæ à S. Augustino lib. 1. de lib. arb. c. 10. vocantur regula incommutabiles, & lumina virium. Prudentia autem versatur circa conclusiones practicas, sive circa actiones, quæ sunt in singularibus.

## C A P U T III.

## Partes potentiales prudentiae.

25 **P**Artes potentiales alieujus virtutis à S.

Thoma vocantur annexæ virtutes, quæ aliquid habent de virtute cui annectuntur, sed non totam rationem potentiamque istius virtutis. Ponitque tres partes potentiales prudentiae, cubilam, synesin, & gnomem.

*Eubilia* est habitus tribuens facultatem

bene consultandi, sive inveniendi bonum consilium in rebus ambiguis.

*Synesis* est habitus recte judicandi de actione ex principiis practicis ordinariis, & propriis illius materiae.

*Gnome* est habitus recte de ea judicandi ex principiis altioribus, ex quibus judicium formetur secundum mentem Legislatoris, licet non secundum litteram legis, v. g. invasori patriæ non esse reddendum depositum, vel furioso non esse reddendum suum gladium.

26 **U**nde adæquatè distingui non videntur à virtute prudentiae, sed inadæquatè dumtaxat. Nihil enim aliud esse videntur, nisi prudentia inadæquatè concepta: utpote ad quam pertinet 1°. adinvenire media idonea ad finem consequendum. Quod cùm fiat bene consultando, *eubilia*, quæ est habitus bene consultativus, non videtur aliquid realiter adæquatè distinctum à prudentia, sed ipsa potius prudentia secundum unam ex suis functionibus partialiter considerata. 2°. bene judicare, sive ex propriis principiis, sive ex altioribus. Tam cùm ista, quā illa considerat prudentia, tamque ex ipsis, quā ex illis judicat de honestate, vel turpitudine actionis hic & nunc exercendæ, vel omittendæ. Igitur synesis & gnome sunt etiam prudentia secundum aliquam sui functionem inadæquatè considerata.

27 **N**ec ab ea sententia alienus videtur S. Thomas, cùm q. 47. a. 2. doceat, prudentiam esse consiliativam, & a. 8. statuat, bene consiliari, & bene judicare, esse actus prudentiae.

28 **A**ddit tamen eodem art. 8. tertium actum prudentiae, scilicet *principere*. Et iste est principalis inter omnes prudentia actus: utpote per quem prudentia consequitur finem suum, qui est bene agere. Unde nec absolute prudens dicitur, qui bene consultat, & bene judicat, sed qui bene præcipit, si-

ve imperat actum bonum bene fieri, sive interim præceptum istud sit actus intellectus, qui vocatur judicium ultimò practicum, uti sentire videtur S. Thomas, sive sit actus voluntatis, imperans ut voluntas velit, plenèque velit, uti sentire videtur S. Augustinus lib. 8. Confess. c. 9. dicens: *Imperat animus, ut velit animus, qui non imperaret, nisi vellet, &c.* sive sit actus utriusque potentiae, intellectus scilicet & voluntatis, prout plerique opinantur.

## C A P U T IV.

## Virtus prudentia opposita per defectum.

Quatuor sunt, præcipitatio, inconsideratio, & negligenter. Quatuor enim sunt regulæ prudentiae.

Prima regula est, ut priusquam opus agrediaris, vel aggregendum judices, maturè consultes & deliberes de mediis, deque modo exequendi. Contra eam peccatur per præcipitationem, quæ est subitanæ, absque consilio, & iudicio de mediis & modo, operis aggressio.

Secunda regula est, ut diligenter inspicias opus, de quo judicandum est, & circumstantias illius. Contra quam agit inconsideratio, quæ, non inspectis qualitatibus & circumstantiis operis, judicium fert. Secluso divinorum præceptorum contemptu, præcipitatio & inconsideratio non sunt peccata mortalia, nisi per alterutram quispiam se exponat periculo faciendo aliquid, quod reverâ peccatum est mortale.

Tertia regula est, ut postquam maturè deliberaveris, & judicaveris, opus esse faciendum, isti iudicio firmiter inhaeras, nec illud leviter, & absque sufficienti ratione mutes. Non enim apud est exequi quod consultatum & judicatum est, qui sine gravi causa (quæ prius non occurrit) quæ ad flatum venti sententiam mutat. Hujus oppositum facit inconstans, quæ peccatum est mortale, si ex voto, vel præcepto, vel obligatione vitandi scandali, quis in sententia persistere teneatur. Nullum verò peccatum, nec inconstans est, ob graves causas, antè non prævisas, mutare sententiam, juxta illud: *Sapientis est mutare consilium.*

Quarta regula est, tem maturè deliberatam & judicatam, citò, vel tempore opportuno mandare executioni, juxta illud Philosophi 6. Ethic. 9. Cito agenda sunt quæ consiliaveris; tardè vero ac diu consiliandum. Et Socratis: *Delibera tardè; perfice antea cùd que visa sunt.* Et S. Thomæ q. 47. a. 9. Oportet consiliari quidem tardè, sed velociter exequi. Contra hoc peccatur per negligientiam. Quæ si solùm sit omisso diligentia requisite in ipso opere externo, non est directè contra prudentiam, sed contra aliam virtutem,